



Broj: 11-16-3-3199-15/23  
Sarajevo, 17.01.2024. godine

Na osnovu čl. 64. stav (1) tačka b) i 70. st. (1), (3) i (6) Zakona o javnim nabavkama („Sl. glasnik BiH“, broj 39/14 i 59/22, u daljem tekstu: Zakon) i Zapisnika o ocjeni konačnih ponuda broj: 11-16-3-3199-14/23 od 17.01.2024. godine, u postupku javne nabavke usluga održavanja sistema za upravljanje dokumentima – eGOP10, ministar komunikacija i prometa *d o n o s i*

**ODLUKU O IZBORU NAJPOVOLJNIJEG PONUĐAČA  
u pregovaračkom postupku sa objavom obavještenja za nabavku usluga održavanja sistema za  
upravljanje dokumentima – eGOP10**

**Član 1.**

Ponuđaču INFODOM d.o.o. Zagreb, kao najbolje ocijenjenom ponuđaču dodjeljuje se Okvirni sporazum o nabavci usluga održavanja sistema za upravljanje dokumentima – eGOP10 čija ukupna vrijednost iznosi 128.088,00 KM bez PDV-a, a na osnovu Zapisnika o ocjeni konačnih ponuda broj: 11-16-3-3199-14/23 od 17.01.2024. godine.

**Član 2.**

Okvirni sporazum o nabavci dostavit će se na potpis izabranom ponuđaču INFODOM d.o.o. Zagreb u skladu sa članom 98. stav (2) tačka a) Zakona.

**Član 3.**

Za izvršenje ove odluke zadužuje se Odsjek za finansijsko-materijalne poslove.

**Član 5.**

Ova odluka se objavljuje na internet stranici Ministarstva komunikacija i prometa Bosne i Hercegovine ([www.mkt.gov.ba](http://www.mkt.gov.ba)) i istovremeno će se uputiti ponuđaču koji je je učestvovao u postupku javne nabavke.

**Član 6.**

Ova odluka stupa na snagu danom donošenja.

***O b r a z l o ž e n j e***

Postupak javne nabavke pokrenut je Odlukom o pokretanju postupka javne nabavke usluga održavanja sistema za upravljanje dokumentima – eGOP10 putem pregovaračkog postupka sa objavom obavještenja, broj: 04-16-3-3198/23 od 13.12.2023. godine

Procijenjena vrijednost javne nabavke iznosila je do 128.205,12 KM bez PDV-a.

Komisija za nabavke (u daljem tekstu: Komisija) imenovana Odlukom ministra broj: 04-02-2-1008/23 od 06.04.2023. godine, izvršila je provođenje predmetnog postupka javne nabavke u tri faze u skladu sa članom 27. Zakona o javnim nabavkama.

Obavještenje o nabavci broj: 1236-3-2-255-3-61/23 i tenderska dokumentacija za prvu fazu - Poziv za dostavljanje zahtjeva za učešće, broj: 11-16-3-3199/23 su objavljeni na Portalu javnih nabavki (u daljem tekstu: Portal) 18.12.2023. godine sa rokom za dostavu zahtjeva za učešće do 03.01.2024. godine do 12:00 sati.

Na osnovu obavještenja na Portalu, tendersku dokumentaciju za prvu fazu je preuzelo osam zainteresiranih kandidata (Izvještaj o preuzimanju tenderske dokumentacije od strane ponuđača u prilogu).

U ostavljenom roku, zahtjev za učešće u pregovaračkom postupku javne nabavke dostavio je kandidat INFODOM d.o.o. Zagreb. U svom zahtjevu za učešće, kandidat INFODOM d.o.o. Zagreb je dostavio izjavu kojom polaže autorsko pravo nad softverskim rješenjem, a u cilju zaštite ekskluzivnih prava, te je navedeni kandidat ocijenjen kvalifikovanim za daljnji postupak nabavke, a o ocjeni istog sačinjen je Zapisnik o ocjeni sposobnosti (kvalifikovanosti) kandidata broj: 11-16-3-3199-3/23 od 03.01.2024. godine.

Tenderska dokumentacija za drugu fazu - Poziv za dostavljanje početnih ponuda i poziv na pregovaranje, broj: 11-16-3-3199-4/23 objavljena je 03.01.2024. godine na Portalu i kvalifikovani kandidat je pozvan da dostavi svoju početnu ponudu do 10.01.2024. godine. Isti dan u 13:00 sati sa ponuđačem su održani pregovori o čemu je sačinjen Zapisnik Komisije broj: 11-16-3-3199-9/23.

Obzirom da su pregovori uspješno okončani, na Portalu je 10.01.2024. godine objavljena tenderska dokumentacija za treću fazu - Poziv za dostavljanje konačne ponude, broj: 11-16-3-3199-10/23 ponuđač je pozvan da dostavi svoju konačnu ponudu sa rokom dostave do 17.01.2024. godine do 10:00 sati.

Nakon ocjene konačne ponude, Komisija je rukovodiocu ugovornog organa dostavila Zapisnik o ocjeni konačnih ponuda sa preporukom o izboru najpovoljnijeg ponuđača broj: 11-16-3-3199-14/23 od 17.01.2024. godine.

U postupku donošenja ove Odluke, posebno je cijenjeno da je Komisija pravilno i potpuno provela postupak te izvršila ocjenu kvalificiranosti ponuđača i prispjele ponude, a sve u skladu sa kriterijima iz tenderskih dokumentacija. Prilikom ocjene provedenog postupka nisu nađene nepravilnosti niti propusti u radu koji bi eventualno bili osnov za neprihvatanje preporuke Komisije pa je utvrđeno da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Slijedom svega navedenog, a primjenom kriterija najniža cijena, ponuda ponuđača INFODOM d.o.o. Zagreb u iznosu od 128.088,00 KM bez PDV-a ocijenjena je prihvatljivom, te je odlučeno kao u dispozitivu ove Odluke.

#### **POUKA O PRAVNOM LIJEKU:**

Protiv ove odluke može se izjaviti žalba Uredu za razmatranje žalbi Bosne i Hercegovine u roku od 10 dana od dana prijema ove odluke.

**MINISTAR**  
*Edin Forto, s.r.*

**Prilog:** kao u tekstu

#### **Dostavljeno:**

- INFODOM d.o.o. Zagreb,
- Komisiji za nabavku,
- 04/3, 07,
- Internet stranica MKT BiH,
- a/a.